



Broj: 10-37- 9967-2/17
Sarajevo, 29.05.2017.godine

SVIM PROIZVOĐAČIMA I ZASTUPNIŠTVIMA LIJEKOVA

PREDMET: Javni poziv za dostavu dokumentacije

Odlukom o listi lijekova obaveznog zdravstvenog osiguranja Federacije Bosne i Hercegovine ("Službene novine FBiH" 25/17) definisan je asortiman i obavezujuće cijene lijekova koji se finansiraju iz obaveznog zdravstvenog osiguranja kantona, i obavezom usaglašavanja sa istima.

Agencija za lijekove i medicinska sredstva BiH je 19.5.2017. godine, putem web stranice, objavila maksimalne cijene lijekova koje se prometuju na području BiH, a svojim aktom 10.-02.3-2167-1/17 od 24.05.2017.godine uputila obavijest prema kojoj objavljene cijene stupaju na snagu danom objavljivanja, sa obavezom da svi nosioci dozvola, pravna lica koja se bave prometom na veliko lijekovima, fondovi/zavodi zdravstvenih osiguranja, te apoteke su u obavezi da odmah pristupe usklađivanju postojećih cijena sa maksimalnim veleprodajnim cijenama lijekova objavljenim od strane Agencije.

Imajući u vidu da postoji razlika u visini cijena utvrđenih na državnom i federalnom nivou, te da je osnovni cilj svakog zdravstvenog sistema obezbijediti stanovništvu kvalitetne, sigurne i efikasne lijekove po prihvatljivim i pristupačnim cijenama koji će se racionalno upotrebljavati (Politika lijekova i medicinskih sredstava u Bosni i Hercegovini ("Službeni glasnik Bosne i Hercegovine", broj 55/11), proizilazi da su kantoni u obavezi primjeniti najpovoljnije cijene, posebno iz razloga što je asortiman listi lijekova preobiman, te je upitno osiguranje sredstava za usklađivanje listi u punom obimu u svakom kantonu.

Shodno navedenom, pod prihvatljivom i pristupačnom cijenom se smatra najniža cijena utvrđena državnom ili federalnom cijenom. Za Kanton Sarajevo je neprihvatljivo da se cijene utvrđene federalnom listom lijekova, kao i cijenama po kojima je vršena nabavka i finansiranja postojećih lijekova sa liste lijekova Kantona Sarajevo, a koje su niže od utvrđenih maksimalnih cijena na državnom nivou ponovo usklađuju i povećavaju na iznos maksimalne cijene.

S obzirom da Kanton Sarajevo ima najveći udio u finansiranju lijekova u odnosu na druge kantone, za očekivati je da dobijemo ponude sa nižim cijenama.

Stoga Vas pozivamo da pristupite web aplikaciji i popunite aplikaciju za svaki lijek, oblik, jačinu i pakovanje posebno i dostavite traženu dokumentaciju. Prilikom popunjavanja aplikacije, molimo vas da obratite pažnju na datume do kada dokumenti važe, te na rok trajanja serije koja je ispitana i koja se trenutno nalazi u prometu.

Rok za dostavljanje aplikacija za lijekove je 30. juna 2017. godine. Aplikacije zaprimljene nakon utvrđenog roka neće biti razmatrane.

U slučaju nejasnoća, potrebne informacije možete dobiti na telefon 033 562-106 –Prim. Mr ph Edina Stević, spec farm.inf. ili putem e-meil-a: edina.stevic@mz.ks.gov.ba.

S poštovanjem,

MINISTRICA

Zilha Ademaj dipl.oec

